

Siswati



UMTSELO WEMPHAHLA

INKHOMBANDLELA YEMTSELO LOBALULEKILE

Follow us on



25 YEARS
ANNIVERSARY
1997 - 2022
At Your Service

SARS
At Your Service

LIBHUKWANA LENKHOMBANDLELA YEMTSELOMPHAHLA WEMABHIZINISI LAMANCANE

Yini Umtselomphahla?

Umtselomphahla ngumtselo longakacondzi-ngco, emalevi nemitselo letsela iswa imphala noma imikhicito letsite lekhicitwa ngekhatsi kuleli naletsengwa ngaphandle kulamanye emave, lesetjentiswa lapha eNingizimu Afrika. Umtsetfo Wemtselsomphahla ubeka umgomo wekutselisa kwemikhicito letsite dvute nalapho ikhicitwa khona.

Umgomo yekutsi kukhishwe Umtselomphahla kutsi kufanele kutfolakale timali tekukhkhela lusebentisomali lwahulumende kutemfundvo, tetindlu, temphilo, njil. ngekusebentisa liphakelomali lemnyaka. Leminye imigomo kutsi kusetjentiswe lomtselo njengelithulusi lekucedza emandla lekusebentisa imikhicito letsite lenebungoti kutemphilo yetakhamiti nemvelo. Ngentasi nguleminye yeMitselomphahla nemalevi.

1. Iimitselomphahla ikhokhiswa ngekusebentisa emave e-Southern African Customs Union (i-SACU), lekuya Botswana, iLesotho, iNamibia, Eswatini kanye neNingizimu Afrika. Silinganisomtselo lesifananako lesikhokhiswa imikhicito letsite eNingizimu Afrika ikhokhiswa kuso sonkhe sigodzi se-SACU.

Umtselomphahla lotsite lokhokhiswako ukhokhiswa tintfo letibekwe kuNcenye 2A yaShejuli No.1 yeMtsetfo weKhastomsi neMtselomphahla, wanga-1964, (Umtsetfo), lobitwa ngekutsi:

- » Tjwala besintfu (umcombotsi) nephawuda tjwala lobuphiswe ngemtfombo wetjwala lolatisiwe noma-ke tinhlavu lettingakentiwa umtfombo lonemandla etjwala ladzakanako langendluli ku-3, 5 % umtsamo ngamunye.
- » Tjwala bemtfombo/emabele (tjwala lobucwebile lobuphiswe ngemtfombo lolatisiwe lonemandla ladzakanako lasemkhatsini wemaphesela-3 kuya kula-6 % umtsamo ngamunye)
- » Liwayini neLiwayini lelimunyu
 - Emawayini laphiswe ngekwelizinga leletayelekile (emvelo) kanye nemawayini lamunu latfolakala ngekuvutjewa ngekwemvelo ngemagelebisi/ngejusi yemagelebisi lensha, abe semandleni etjwala lokungenani i4.5 % umtsamo ngamunye, kepha angendluli umtsamo longu-16.5 %.

- Emawayini laphiswe ngekwelizinga leletayelekile (emvelo) kanye nemawayini lamunyu latfolakala ngekwengeta bogologo bemawayini kumawayini langakaphiswa ngekwelizinga leletayelekile (ngekwemvelo) liwayini neliwayini lelimunyu, abe nemandla etjwala lokungenani 15% umtsamo ngamunye kepha kungendluli ku-22% umtsamo ngamunye.
 - Emawayini lahlihitako nemawayini lamunyu latfolakala ngekukhulisa umfutfo lowendlulele eliwayini lelingakaphiswa ngekwelizinga lelifanele (ngekwemvelo) kulokungenani ku-300kPA uma agcinwe ku-20°C.
- » **Letinye tinatfo letivutjelwe** (letakhiwe ngetitselo letivutjelwe (kungafiki ekhatsi emagelebisi), ummbila noma luju, lokungahlanganiswa naletinye tinatfo. Letinye tinatfo lettingakaphiswa ngekwelizinga leletayelekile tinemandla etjwala lacala ku-2.5% kuya ku-15% umtsamo ngamunye, futsi uma tiphiswe ngekwelizinga leletayelekile nabogologo tivamise kuba nemandla etjwala kusukela ku-15% kuya ku-23% umtsamo ngamunye).
- » Bogologo netinatfo letinabogologo (bentiwe ngeliwayini lelihlutiwe, lokutinhlavu, titselo, umoba, titashi, njll. ngemandla etjwala latayelekile lange-40% umtsamo ngamunye.(letentwe ngeliwayini lelihlutiwe, lokutinhlavu, titselo, umoba, sitashi, njll. emandla etjwala latayelekile angu-40% umtsamo ngamunye. Baphindze futsi bakhwiwe ngetjwala lobuhlutiwe betitselo letivutjelwe, labafakwe bogologo labanemandla etjwala lacala ku-15% kuya ku-23% umtsamo ngamunye).
- » Imikhicito yemafutsa etimoto (sibonelo phethiloli, idizili, dizili wetitjalo njll.).
- » Imikhicito yeligwayi (bosikiliidi, ligwayi lasikiliidi, tigazo, ligwayi lelipipi, ligwayi lelipipi lemanti - i-hubbly bubbly, imikhicito yeligwayi leshisiwe njll.).

Umtsello we-*Ad Valorem* yimitselo lekhokhiswa imphahla futsi ikhokhiswa timphahla letishiwo kuNcenyne 2B yaShejuli No.1 kuloMtsetfo, kufaka ekhatsi:

- » Ema-elektroniki nemidlalo
- » Tembatfo letakhiwe ngeboya
- » Kwekutimonyonga nemakha (emaphefumu)
- » Tichumane netibhamu
- » Bomakhalekhikhini
- » Timoto

Emalevi emphahla ahlukile ngekuya ngelilunga le-SACU ngalinye.

Emalevi emphahla lakhokhiswa yiNingizimu Afrika



Emalevi emafutsa etimoto kumikhicito yaphethiloli akhokhiswa ngekwemibandzela lebekwe kuNcenye 5A yaShejuli No.1 kuloMtsetfo.



Emalevi e-RAF (Sikhwama Setetingoti Temgwaco) kumikhicito yaphethiloli akhokhiswa ngekwemibandzela lebekwe kuNcenye 5B yaNo.1 kuloMtsetfo.



Ilevi yetemvelo ikhokhiswa etintfweni letibekwe kuSigaba lesifanele, njengobe kushiwo ngentasi, kuNcenye 3 yaShejuli No.1 waloMtsetfo. Lemikhakha ngulena:

- Kwekuhpatsa kwemaplastiki kanye netikhwama letiticaba (Sigaba A seNcenye 3)
- Kuphehlwa kwagezi kumitfombo lengavusetelwa (Sigaba B seNcenye 3)
- Emalambu agezi efilamenti (Sigaba C seNcenye 3)
- Kubhunya kwsikhuntsa (CO₂) kwetimoto letinsha (Sigaba D seNcenye 3)
- Emathayi (Sigaba E seNcenye 3)
- Sikhuntsa lesilingana nekubhunya kwemoya longcolile (GHG) (Sigaba F seNcenye 3)



Ilevi yeKukhutsata Tempilo ikhokhiswa etintfweni letibakwe kuSigaba lesifanele, njengobe kushiwo ngentasi, kuNcenye 7 yaShejuli No.1 kuloMtsetfo. Lemikhakha ngulena:

- Tinatfo tashukela (Sigaba A seNcenye 7)
- Kulungiselela nekushuba kwekwakha tinatfo letinashukela (Sigaba A seNcenye 7)



Ilevi yekutsengiswa kwelidayimane kulamanye emave yemadayamondi langakapolishwa latfunyelwa eNingizimu Afrika



Umtselo wemgibeli lohamba emoyeni



Ilevi Yesikhwama Semave Emhlaba Sesincephetelo Sekungcoliseka Kwe-oyili (i-IOPCF)

Itfolakala kanjani ilayisese/kubhalisela Umtselomphahla

Ngembi kwekutsi umhwebi ahwebelane ngemphahla/imikhicito letseliswako, Tigaba 59A na-60 tifundvwa kanye nemitsetfosisimo yato yeMtsetfo Wemtselselomphahla Nekhastomsi, tidzinga labahwebi kutsi babhalise noma batfole emalayisese ekukhicitra noma iwehawsi yekugcina imphahla, ngekugcwala lamafomu ekufaka sicelo netengeto letifanele (njengobe kuchaziwe kumitsetfosisimo 59A na-60) kanye nekuyingenisa, kanye nemadokhumenti lesekela, eGatjeni leKhestomsi neMtselomphahla lelidvutane.

Kubhalisa Imanywali nelifomu lelayisese (i-DA 185) netengeto letifanele nemadokhumenti lesekela njengobe kubhaliwe, ngekuya kwemtsetfosisimo 59A ne-60 weMtsetfo Wekhastomsi Newemtselomphahla.

- » Lifomu lekubhalisa umtselo wekutsengisa lidayimane kulamanye emave i-Registration for diamond export levy form (DL185) kanye nemadokhumenti lasekelako labhaliwe, ngekuya kwasigaba se-2 seMtsetfo Wemtsello Wekutsengiswa Kwelidayimne Kulamanye Emave (Kulawula) i-Diamond Export Levy (Administration) Act wanga-2007.
- » **Sicelo seMa-ejenti sekubhalisa/** kucisha noma kuntjintja imininingwane lebhaliwiwe (APT101) leMtselo Wemgibeli Wasemoyeni, njengekuya kwemtsetfosisimo 47B weMtsetfo Wekhastomsi Nemtselomphahla.
- » **Sicelo seMa-opharetha sekubhalisa/** kucisha noma kuntjintja imininingwane Emafomu lebhaliwiwe (APT102) leMtselo Wemgibeli Wasemoyeni, njengekuya kwemtsetfosisimo 47B weMtsetfo Wekhastomsi Nemtselomphahla.

Ngemuva kwekutfola ilayisese nekubhalisa, i-SARS ingancuma sibambiso lesifanele lesingafakwa yikllayenti.

Tephulelo nekubuyiselwa imali yeMalevi Emtselomphahla

Ishejuli No. 6 yaloMtsetfo ibeka tephulelo netimbuyiselo temtselomphahla, emafutsa etinomoto, Sikhwama Setetingoti Temgwaco, temvelo kanye nemitselo lekhutsata temphilo.

- » **Uma ngabe imikhicito letseliswako isetjentiswa ngekwemibandzela lechazwe kuShejuli** No. 6 wemigomo yeMtsetfo, leyo mikhicito ingatfola sephulelo lesiyincenyе noma lesiphelele noma ibuyiselwe umtselo.
- » Ekubukaneni nalemikhicito, bahwebi bangadzingeka kutsi babhalisele kuba basebentisi besephulelo. Sibonelo, uma kusetjentwa ngabogologo labasetjentiswa ekukhicitweni kwemikhicito yetimboni noma imikhicito lengasibo tjwala, kudzingeka kutsi kubhaliswe ngekwemibandzela yesephulelo lesisebenta etintfweni teShejuli No. 6.

Emanotsi lavamile aShejuli No. 6 akubeka kucace lokukhetsekile mayelana nekubhalisa njengobe kucatjangiwe kumtsetfosimiso 59A weMtsetfo wemphahla letfolwa ngaphasi kwelulawulo noma kubuyiselwa umtselo, ngekwemibandzela kwanoma nguyiphi info yaleShejuli.

Kwentekani uma ngabe awuhambisanai netidzingo temtselomphahla?

- » Tinhlawulo titawukhishwa ngekuya kweMtsetfo.
- » Kugcogcwa kwemtselo losilele, emalevi, kanye nentalo.
- » Kuleminye imikhicito, kutsatfwa kwemphahla (i-SARS ingayitsatsa imphahla iyigodle kute kube ngulapho kukhokhelwa sikweleti) mhlawumbe ibekwe kumishini nakuma-ikhwiphmenti.

Kute utfole Iwatiso lolubanti, unga-

- » Vakashela Likhasi Letemabhizinisi Lamancane uphindze futsi ufundze likhasi lelincane leBahwebi Nebahambi.
- » Noma-ke ungavakashela likhasi bese ukhetsa likhasi leTekhastomsi Nemtselomphahlha bese ukhetsa Umtselomphahlha ngaphasi kweMenyu ye-Customs and Excise Menu kuwebhusayithi yaka-SARS ku-www.sars.gov.za.

DISCLAIMER: The information contained in this leaflet is intended as guidance only and is not considered to be a legal reference, nor is it a binding tariff determination or ruling. The information does not take the place of legislation, and readers who are in doubt regarding any aspect of the information displayed in the leaflet should refer to the relevant legislation, or seek a formal opinion from a suitably qualified individual.

Contact Us



e-Contact

Visit the Small Business
page on the SARS website
www.sars.gov.za

Book an appointment on
www.sars.gov.za

SCAN ME



Follow us on



2022